

Headlines

1. उपराज्यपाल मनोज सिन्हा होरें सरहदी ग्रांऽ मकवाल दा दौरा लाइयै उथे विकास कम्में दी प्रगति दा जायजा लैता, आखेआ बन्ने दे इलाकें दे लोक रोज देश दी सेवा करा'रदे न ते इक म्यारी जीन जीना उंदा हक बनदा ऐ।
2. मुखमंत्रि उमर अब्दुल्ला होरें आखेआ ऐ जे सरकार जम्मू-कश्मीर च इक जिम्मेदार सैलसफा बवस्था लेई सिखलाई, नियमन जवाबदेह ते जुम्मेवारी बक्खी चेचा ध्यान देआ'रदी ऐ।
3. विधानसभा नै जल जीवन मिशन बारै सदन कमेटी गी अपनी रपोर्ट पेश करने लेई 2 होर म्हीनें दा समां दित्ता ऐ।
4. गांदरबल च रात भर चले दे टाकरे च इक आतंकी दे मारे जाने दी तस्दीक, सुरक्षा बलें सतर्कता होर बधाई दित्ती ऐ।
5. मौसम विभाग नै औंदे किश दिनें च जम्मू-कश्मीर लेई अंधी-झक्खड ते गर्जी चमकिए बरखा बरने दी चेतावनी दित्ती ऐ।

<><><><><><>

LG-Makwal

लेफ्टिनेंट गवर्नर मनोज सिन्हा होरें अज्ज जम्मू जिले दे बन्ने आले ग्रांऽ मकवाल दा दौरा लाइयै उथे विकास कम्में च हासल प्रगति दा जायजा लैता। बन्ने आले ग्रां गी रक्षा दी पैहली पंक्ति करार दिंदे होई एल.जी होरें आखेआ जे बन्ने कश रवा करदे बसनीक हर रोज देशै दी सेवा करदे न ते उनेंगी पक्क गै म्यारी जीवन थोना लोडचदा ऐ। एल.जी होरें आखेआ जे कुसै बी परोआर गी पिच्छे नेई छोडना लोडचदा ते योजनाएं च मजूद कमिएं-खामिएं गी पैहल दी बिनाह पर दूर कीता जाना ऐ। इस मौके पर बोलदे होई एल.जी मनोज सिन्हा होरें गलाया

<><><><><><>

CM-Tourism

मुखमंत्रि उमर अब्दुल्ला होरें अज्ज आखेआ ऐ कि सैलसफा विभाग इस क्षेत्र कन्नै जुडे दे सबने लोकें लेई सुरक्षा, म्यार ते जिम्मेदार बवस्था जकीनी बनाने लेई पंजीकरण, सिखलाई ते नियमन बक्खी चेचा ध्यान देआ'रदा ऐ। अज्ज विधानसभा जादीबल थमां विधायक तनवीर सादिक हुंदे आसेआ पुट्टे गेदे इक सोआलै दा परता दिंदे होई मुखमंत्रि होरें आखेआ कि लाजमी तौरा पर प्रमाणीकरण बारै कोई प्रस्ताव जेरे गौर नेई ऐ। इस चाल्ली दे मुद्दे गी लेइयै सैलानिएं दी आमद च कमी बारै पुच्छे गेदे इक होर सवालै दे परते च मुखमंत्रि होरें आखेआ जे इस चाल्ली दी कोई जानकारी सैलसफा विभाग कशा नेई ऐ। उनें आखेआ

<><><><><><>

JJM-Committee Extension

जम्मू-कश्मीर विधानसभा नै जल जीवन मिशन बारै सदन कमेटी गी अपनी रपोर्ट पेश करने लेई दित्ती गेदी मयाद गी दऊं म्हीनें होर अगडे बधाई दित्ता ऐ। इस बारै प्रस्ताव चेरमैन हसनैन मसूदी नै रखेआ जिसी मूंज जवानी वोट कन्नै पास करी दित्ता गेआ। स्पीकर अब्दुल रहीम राथर होरें आखेआ जे 3 ज्हार 200 कोला मतिएं पानी सप्लाई स्कीमें दी जांच करने लेई पैनल गी होर समें दी लोड ऐ। विधायक सज्जाद गनी लोन ते मोहम्मद युसुफ तारीगामी होरें एहदी अमलावरी पर चिंता बुझदे होई एहदे तैहत बकाया कम्में गी तौले मुकम्मल करने पर जोर दित्ता हा।

<><><><><><>

## Dy CM Regularization

उपमुख्यमंत्री सुरिंद्र चौधरी होंरें ध्याड़ीदारें गी मरहलेवार ते बवस्थित ढंगै नै पक्का करने दी सरकार दी बचनबद्धता गी फही पक्का कीता ऐ। इस सरबंधे च विधानसभा दे अंदर दित्ते गेदे असश्वासनें दे महत्वै पर लोऽ पांदे होई उपमुख्यमंत्री होंरें आखेआ जे मुख्यमंत्री उमर अब्दुल्ला होंरें पैहले गै इस गल्लै दा वायदा कीते दा ऐ जे ध्याड़ीदारें दिएं सेवाएं गी उं'दे कार्यकाल दे दरान गै पक्का कीता जाह्ग। उं'नें आखेआ जे सदन च जिसलै इस चाल्ली दा बयान दित्ता गेदा होऐ तां उसी पक्क गै संजीदगी कन्नै लैत्ता जाना लोडचदा ऐ। उं'नें आखेआ जे ध्याड़ीदारें आसेआ बार-बार कीते जाने आले प्रदर्शन गैर जरूरी ना। उं'नें आखेआ

<><><><><><>

## Assembly-Senion Officers

जम्मू-कश्मीर विधानसभा च उसलै अज्ज इक अनोखी इकजुटता दिक्खने गी लब्बी जिसले बक्ख-बक्ख सियासी पार्टिं दे सदस्यें गैलरी थमां वरिष्ठ अधिकारिं दी गैर मजूदगी दा मुद्दा पुट्टेआ जेह्दे पर स्पीकर अब्दुल रहीम राथर होंरें एहू मामला मुख्यमंत्री उमर अब्दुल्ला हुं'दे ध्यान च आह्नेआ। सदन च सोआलें दे समें दे अखीरै च नेशनल कांफ्रेंस दे विधायक नजीर अहमद गुरेजी होंरें एहू मामला पुट्टेआ जेह्दा सत्ताधारी ते बरोधी सदस्यें बी समर्थन कीता। स्पीकर होंरें सदस्यें गी भरोसा दोआया जे सदन नै उं'दिं चैतां दा संज्ञान लेई लैता ऐ ते सरबंधत अफसरें लेई एहू लाजमी ऐ ते ओहू अपने मैहकमें कन्नै जुडे दे सोआल पुट्टे जाने दे बेल्ले सदन च मजूद रौहडन।

<><><><><><>

## Terrorist Killed

सुरक्षाबलें गांदरबल जिले च होऐ दे इक टाकरे च इक आतंकवादी गी मारी मकाया ऐ। कल संजा आतंकवादियें दी मजूदगी बारे इक टकोहदी सूह थ्होने पर सुरक्षाबलें गांदरबल दे अराहाना इलाके च इक सांझा तुपाई अभियान चलाया। फौज दी चिनार कोर आसेआ सोशल मीडिया पर जारी जानकारी मुजब फौज ते जम्मू-कश्मीर पुलस नै संदिग्ध नक्लो-हरकत दिक्खने पर इलाके गी खंगालनें गितै पूरे इलाके गी घेरी लैता। ललकारें जाने पर संदिग्धें सुरक्षाबलें पर गोली चलाई- जेह्दे पर जवाबी कारवाई कीती गेई। इस्सै कारवाई च इक आतंकवादी मारेया गेआ ऐ। इलाके च सर्तकता बधाई दिती गेदी ऐ ते आतंकवादियें गी फगडने ते आम लोकें दी सुरक्षा यकीनी बनाने लेई लोडचदे एहतियाती उपाऽ बी बरते जा'रदे ना।

<><><><><><>

## Revenue-Budget

जम्मू-कश्मीर सरकारै .. पोर्टल दे राहें माली बरे 2026-27 लेई राजस्व बजट दे तैह्त 50 फीसद रकम जारी करने दी मंजूरी देई दित्ती ऐ। खजाना मैहकमे आसेआ जारी हुकमै मूजब, बिजली दी खरीद लेई पैसा बजट सरबंधी अंदाजें दे 12में हिस्से दी दर कन्नै हर म्हीने जारी कीता जाह्ग। हुन जिसले राजस्व बजट दा इक बड्डा हिस्सा उपलब्ध होई गेआ ऐ तां जे सरकारै स्पष्ट कीता ऐ जे बक्ख-बक्ख महत्वपूर्ण सैक्टरें जिआं सूद दी अदायगी अन्न-दाने दी लागत, बर्फ हटाने सरबंधी कम्में ते नेहू होरनें कम्में दा बक्ख-बक्ख मामलें दी बिनाहू उप्पर प्रबंधन कीता जाह्ग।

<><><><><><>

## Jammu Special Train

जात्तरिं दी सुविधा दे मद्देनजर रेलवे आसेआ औं'दी 6 अप्रैल थमां जम्मू तवी ते छपरा बश्कार इक बशेष आरक्षित रेल चलाई जाह्ग तां जे जात्तरिं दे रश दी समस्या कन्नै निब्बड़ेआ जाई सकै। ट्रेन नंबर 05194 औं'दी 8 अप्रैल थमां हर बुधवारें जम्मू थमां रवाना होग ते अगले दिन छपरा पुज्ग। एहू बवस्था 15 जुलाई तगर लागू रौह्ग। वापसी लेई ट्रेन नंबर 15193 औं'दी 6 अप्रैल थमां 13 जुलाई तगर हर संगारें दपैह्नी 2 बज्जियै 12एं मिटें पर छपरा थमां रवाना होग ते मंगलवारें रातीं जम्मू पुज्जा करग। एहू ट्रेन लुधियाना, अम्बाला ते गोरखपुर सने बड्डे स्टेशनें पर रूका करग। ए.सी. स्लीपर ते जनरल कोच आह्ली सुविधाएं कन्नै लैस इस सेवा दा मकसद संपर्क ते जात्तरिं सुविधाएं च सुधार आह्नना ऐ।

<><><><><><>

## Rbn-Husbandry

रामबन जिले च मैहकमा पशुपालन राश्ट्री गोकुल मिशन ते राश्ट्री पशुधन मिशन तैहत जिले च पशुपालन गी बडे पैमाने पर बढावा देआ'रदा ऐ। इनें स्कीमें तैहत शुरूआती खर्चे पर 50 प्रतिशत दी रियायत, घट्ट सूद पर दोआर ते बीमा समर्थन दित्ता जंदा ऐ जिंदे च डेरी, कुकड़ी पालन, भिड्डु ते बकरी पालन बी शामिल ऐ। मिशन तैहत लाभार्थी गी अपना युनिट खडेरने लेई 25 कोला 50 लक्ख रपे दी सब्सिडी दित्ते जाने दी बवस्था ऐ। इनें स्कीमें दा मकसद पशुपालन, भिड्डु पालन, कुकड़ी पालन गी बढावा देना ऐ तां जे लोकें दी औंदन दा जरिया बधै। एह्दे कन्नोकन्नी संगठित भिड्डु विकास स्कीम तैहत केई लोकें जिले च अपने युनिट खडेरियै अपनी औंदन च खरा मता बाद्दा कीता ऐ। इक लाभार्थी मोहम्मद सादिक नै इस बारै आकाशवाणी कन्नै गल्ल करदे होई आखेआ

<><><><><><>

## Weather

मौसम विभाग नै जम्मू-कश्मीर लेई मौसम सरबन्धी सलाह जारी कीती ऐ जेह्दे मूजब, प्रदेश च किश थाहें पर कल्लै धोड़ी हौली बरखा बरने दी मेद ऐ। एह्दे परैत 3 ते 4 अप्रैल गी केई सारी थाहें पर बरखा, उच्चे प्हाड़ी इलाकें च बर्फबारी ते 30 शा 40 किलोमीटर प्रति घँटे दी रफ्तार कन्नै तेज ब्हाऽ चलने दे कन्नोकन्नी शमानी बिजली मिलकने ते प्हाड़ी इलाकें च किश थाहें ल्हास-पस्सियां पौने दा बी जोखिम ऐ। करसानें गी सलाह दित्ती गेई ऐ जे ओहू कल 2 अप्रैल धोड़ी अपने खेत्तरें दा कम्म सबूरा करी लैन ते आम लोकें गी बी लोड्चदा ऐ जे ओहू ट्रैफिक सरबन्धी दिशा-निर्देशों दी पालमा करन।

<><><><><><>